

## Kalaallit Nunaanni illersuisartussatut ilinniartitaasarneq aamma Kalaallit Nunaanni illersuisartut ilinniarteqqinneqarneqartarnerat pillugu nalunaarut

Kalaallit Nunaanni eqqartuussiveqarneq pillugu inatsimmi nr. 305, 30. april 2008-imeersumi § 67, imm. 2-4 naapertorlugu aalajangersarneqarpoq:

### Kapitali 1

#### *Illersuisartussatut il.il. ilinniartitaasarneq*

§ 1. Illersuisartussatut piginnaatitsissut inunnut eqqartuussiveqarneq pillugu inatsimmi § 66, imm. 1-imi piumasaaqatinik naammassinnissimasunut aamma illersuisartussatut immikkut ittumik ilinniagaqarsimasunut nalunaarutigineqarsinnaavoq.

§ 2. Illersuisartussatut ilinniartitaaneq immikkoortunut makkununga agguagaavoq agguarneqarsimavoq:

- 1) Aallarnisarneq ullunik 10-nik sivisussusilik.
- 2) Atuartitsineq ullunik 10-20-inik sivisussusilik.
- 3) Sulianik sungiusagaqarneq.
- 4) Atuartitsineq ullunik 10-20-inik sivisussusilik.

*Imm. 2.* Kalaallit Nunaata Eqqartuussiviani eqqartuussisup aalajangersinnaavaa inuit naleqquttumik ilinniagaqarsimasut, inuussutissarsiornermik misilittagaqarsimasut imaluunniit ilinniartitaanermut imm. 1-imi taaneqartumut taamaaqataanut periarfissatut allatut ilinniagaqarsimasut immikkoortuni makkunani ilinniaqataasinnaasut:

- 1) Aallarnisarneq ullunik 10-inik sivisussusilik.
- 2) Lærlingitut ilinniarneq.

*Imm. 3.* Ilinniartitaaneq imm. 1 aamma 2-mi taaneqartoq soraarummeerneramik naggaserneqassaaq.

*Imm. 4.* Kalaallit Nunaanni Eqqartuussivimmi eqqartuussisup inuit soraarummeerneramik imm. 3-mi taaneqartumik suli angusisimannngitsut erseqqinnerusumik aalajangikkap iluani illersuisartuugallartartussatut sulisinnaasutut akuerineqarnerat nalunaarutigisinnaavaa.

*Imm. 5.* Kalaallit Nunaanni Eqqartuussivimmi eqqartuussisup inatsisilerituutut soraarummeernermi angusisimasut imm. 1 imaluunniit imm. 2-mi taaneqartumik ilinniagaliusimanissaannik piumasagaammit tamakkiisumik ilaannarmilluunniit piumasagarfiginngitsoorsinnaavai. Tamanna aalajangerneqassaaq inuit pineqartut peqatigalugit. Inuit pineqartut soraarummeerneq imm. 3-mi taaneqartoq angusiffigisimassavaat.

*Imm. 6.* Inuup, tak. imm. 5, ilinniagaliunissamit piumasagaammit tamakkiisumik ilaannarmilluunniit piumaffigineqannginnissaata nalilersorneqarnissaani atuaqataasimangikkaluarluniluunniit inaarutaasumik soraarummeernermi angusisimanissaannik pineqartup tunngavigisai immikkut pingaartinneqassapput.

**§ 3.** Kalaallit Nunaanni Eqqartuussivimmi eqqartuussisup inassuteqareerneratigut ilinniakkamik aaqqissuussinermi illersuisartussatut ilinniartitaanerup imassaa erseqqinnerusoq justitsministerip aalajangissavaa. Nuna tamakkerlugu illersuisartuusoq oqaloqatigereerlugu Kalaallit Nunaanni Eqqartuussivimmi eqqartuussisup inassuteqaatissaq suliarissavaa. Inassuteqaatissap tunniunneqannginnerani Illersuisut (Kalaallit Nunaanni Illersuisartut Peqatigiiffiat), Kalaallit Nunaanni Politimesteri aamma Nunatsinni Advokatit oqaaseqaateqaqqullugit saqqummiussiffigineqaqqaassapput.

**§ 4.** Kalaallit Nunaanni Eqqartuussivimmi eqqartuussisup ukiumut ataasiarluni inuit illersuisartussasut akuerisaasut pillugit takussutissiortassaaq. Akuerisaanerup nalunaarutigineqarnerata, utertinneqarnerata allatulluunniit atorunnaarsinneqarnerata kingunerisaannik takussutissiami allannguutit piaarnerpaamik nassiussuunneqassapput.

## Kapitali 2

### *Ilinniaqqittarneq*

**§ 5.** Illersuisartussatut akuerisaasup akuersissutini piginnassaguniuk pineqartoq illersuisartutut ilinniarteqqinneqarneranni peqataassassaaq.

**§ 6.** Kalaallit Nunaanni Eqqartuussivimmi eqqartuussisup inassuteqareerneratigut ilinniakkamik aaqqissuussinermi illersuisartussatut ilinniarteqqinneqarnerup imassaa erseqqinnerusoq justitsministerip aalajangissavaa. Nuna tamakkerlugu illersuisartuusoq oqaloqatigereerlugu Kalaallit Nunaanni Eqqartuussivimmi eqqartuussisup inassuteqaatissaq suliarissavaa. Inassuteqaatissap tunniunneqannginnerani Illersuisut (Kalaallit Nunaanni Illersuisartut Peqatigiiffiat), Kalaallit Nunaanni Politimesteri aamma Nunatsinni Advokatit oqaaseqaateqaqqullugit saqqummiussiffigineqaqqaassapput.

**§ 7.** Kalaallit Nunaanni Eqqartuussivimmi eqqartuussisup inatsisilerituutut soraarummeernermi angusisimasut ilinniagaqqinnissamik piumasagaammit tamakkiisumik ilaannarmilluunniit

piumasaqarfiginngitsoorsinnaavai. Tamanna aalajangerneqassaaq inuit pineqartut aamma nuna tamakkerlugu illersuisartuusoq peqatigalugit. Inuit pineqartut ilinniaqqinnermi soraarummeerutaasinnaasut angusiffigisimassavaat.

### Kapitali 3

#### *Atuutilerfissaanik aalajangersagaq*

§ 8. Nalunaarut atuutilersinneqarpoq ulloq 1. oktober 2016.

*Justitsministereqarfik, ulloq 1. oktober 2016*

SØREN PIND

/ Anders Aagaard